

SARS yi amukela ahlulo wa Khotokulu (Xiyenge xa Xifundzakulu xa Gauteng) hi ti 11 Hukuri 2022

SARS yi amukerile ahlulo wa Khotokulu wo veka etlhelo Xiviko xa Musirheleri wa Vaaki eka "Ndzavisiso eka Swihehlo swa Malawulele mo Biha, Vukungundzwana na Maxavelo mo Biha na Matikhomelo mo Biha ma Vukorhokeri bya Xibalo bya Afrika-Dzonga (SARS) mayelana no Fambisa Thendara ya *Provision of Bespoke Software Development, Maintenance and Support Services for the Benefit of SARS for a period of 7 (seven) years*".

Nkumo wa le xikarhi lowu nga kona eka xiviko xa Musirheleri wa Vaaki hi leswaku SARS yi xavile hi ndlela leyi nga riki enawini vukorhokeri bya *IT* bya BBD, muphakeri, na leswaku matikhomelo ma SARS ma hoxa xandla eka matikhomelo mo biha eka swikongomelo swa xiyenge xa 182(1)(b) xa Vumbiwa na xiyenge xa 6(4)(a)(iii) xa Nawu wa Musirheleri wa Vaaki.

SARS yi tsakile hi leswaku khoto yi khomile mphiko wa SARS wa leswaku leswi nga kumiwa na xendlo xo ololoxa leswi kumekaka eka Xiviko xa Musirheleri wa Vaaki a swi na vutlhari, a swi landzeleli nawu, a swi twali naswona Khoto yi vekile etlhelo Xiviko.

BB&D yi tlangile xiave xa nkoka eka Phurogireme yo endla Ximodeni ya SARS, leyi ve ke yin'we ya switori swo humelela swa vukorhokeri bya mani na mani eka nkarhi wa xidemokirasi. Xiviko xa Khomixini ya Ndzavisiso ya Ndzavisiso eka Vulawuri bya Xibalo na Mfumo hi Vukorhokeri bya Xibalo bya Afrika-Dzonga ("**Khomixini ya Nugent**") yi kumile leswaku hi 2014, "SARS a yi ri na xiyenge xa *IT* xa xiyimo xa le henhla" na ku humelela loku tsariweke kahle.

Phurogireme yo endla Ximodeni, leyi sunguriweke hi khale ka Khomixinara Gordhan hi 2004, yi kotisile cinco wa SARS ku suka eka vandla ra xikhale leri a ri tirhisa tiphurosese ta manyuwali to tika, tisisiteme ta khomphyutara to hundzeriwa, ntsengo lowukulu wa switsariwa swa maphepha, ku ya eka leri tirhisaka thekinoloji ya ximanguva lawa na vuxokoxoko bya xitironiki ku ndlandlamuxa, humeleriso, vuswikoti na hetiseko.

Khomixinara Kieswetter u te: "Ku sukela hi 2006, SARS yi hlawurile ku tirhisa xintshuxo xa nhlanganiso, leswi ku nga nhlanganiso wa tisisiteme to hlawuleka na leti sukaka eka tin'wana ta bindzu, na ntalo wa sisiteme lowu nga hlawuleka. I endlelo rero ro hlawuleka eku akeni ka pulatifomo ya *IT* ya SARS leyi andlaleke masungulu lama kotiseke SARS enkarhini wa malembe matsongo lama nga hundza ku ndlandlamuxa hi xihatla vukorhokeri bya vuswikoti eka vahakelaxibalo. Vuswikotikulu lebyi a byi ri bya nkoka ngopfungopfu loko hi lava nhlamulo

ya xihatla eku sunguleni ka ntungu wa Covid-19. Hambiswiritano, endlelo ro hlawuleka ri ta na mitlhonthlo ya maxavelo ma khale na lama nga papalatekiki."

"Musirheleri wa Vaaki u lavile ku vona SARS nandzu wo endla swo biha loko, tanihi tienthithi ta mfumo eka vulawuri byin'wana, SARS yi kunguhatile ku xava thekinoloji ya xiyimo xa le henhla leyi yi yi lavaka ku tirhisa milawu ya maxavelo lama tumbuluxeriweke xikongomelo xin'wana. Loko hakunene ku ri xiphiso, a hi endlelo ra enthithi ya mfumo na vatirhi lava humeleleke eku endleni ka SARS ximodeni; i nkarhi wa maxavelo ma ndhavuko, lama nga fambangiki na swilaveko swa IT swa tienthithi ta xidijiti eka malembedzana ma 21.

"Hi ntsano, tipholisi ta maxavelo ta sweswi na milawu ya Vutameri bya Timali ta Tiko swi endlile switsongo ku sivela vukungundzwana lebyikulu bya maxavelo, kambe ku va na swilaveko swo tika swa xihatla swa maxavelo na switiviwa swa ximodeni na thekinoloji leswi kotisaka modele wa bindzu lowu SARS yi wu tirhisaka.

"Ndzi tsakisiwile hi xitiviso xa sweswinyana xa Holobye wa Timali leswaku Nawumbisi wa Maxavelo ya Mfumo wu ta andlariwa kwala ku fambeni ka 2023. Swi voniwile khale leswaku Nawumbisi lowuntshwa wu ta tshika milawu yo tika no tshikelela leyi alelaka maendlelo ma maxavelo ma swa IT no pfuxa vuswikoti bya mavavelo ya mani na mani leswaku vaphakeri va swa mabindzu va lulamisa maendlelo mo fikelela swilaveko swa makete. Leswi swi ta kotisa SARS ku ya emahlweni na rendzo ra yona ro anakanya hi vuntshwa vumundzuku bya vulawuri bya mali ya tiko laha ntirho wa yona lowu engetelekaka wu nga ta lawuriwa hi mitwisiso leyi fambisiwaka hi switiviwa, tikhomphyutara to dyondzisa hi toxo, vutlharhi lebyi nga ri ki bya ntumbuluko na nhlanganiso wa vanhu na michumu".

Mayelana na vuxokoxoko, tihlanganise na SarsMedia@sars.gov.za